

旧 記

大方廣佛華嚴經

第四十九

垂一 百九

47864



元祿九年丙子二月日重脩

三國策固帝潛緞呂

佛日增輝 懋譽輪常轉

山城州天安寺法金剛院置



Small mark or character located near the top of the large '卍' character.

Small mark or character at the bottom left of the decorative border.

Small mark or character at the bottom center of the decorative border.

Small mark or character at the bottom center of the page.

Small mark or character at the bottom right of the page.

Small mark or character at the bottom right of the page.

大方廣佛華嚴經卷第四十九

東晉天竺三藏佛陀跋陀羅等譯

入法界品第三十四之五



垂



爾時善財童子為無壞幢智慧法門所照決
了諸佛不可思議自在神力善知菩薩不可
思議法門又不可思議菩薩三昧智慧以照

其心得一切時三昧光明得一切相三昧境
界光明得明淨智令一切衆生得妙勝法得
一切至處道法門隨順世間行心無有二以
明淨智普照境界得一切聲聞明淨忍藏得
無生忍知法實相常行菩薩行不捨菩薩心
增長薩婆若心得十力明普照一切樂妙法

垂

華嚴卷四十九

音心無厭足如說修行住薩婆若究竟一切
智境界出生無量菩薩莊嚴心滿足菩薩清
淨大願於一念頃遍至一切諸佛刹網教化
成就無量衆生海心無懈倦悉見菩薩無量
行境界悉分別見一切世間見諸佛刹種種
莊嚴於微細境界悉能安置無量世界又能

見彼種種病嚴悉能分別無量世界諸語言
法又知無量衆生欲樂知諸衆生無量所行
以無量方便教化衆生善知殊方隨其所應
化度衆生念善知識漸漸遊行至進求國周
遍推求彼娑羅門時娑羅門修諸苦行求一
切智四面火聚猶如大山中有刀山高峻無
極從彼山上白投火聚念時善財詣娑羅門
頭面禮足合掌而立白言大聖我已先發阿
耨多羅三藐三菩提心而未知菩薩云何學
菩薩行修菩薩道願爲我說答言善男子汝
今若能登此刀山林投火聚者菩薩諸行皆
悉清淨念時善財作如是念得人身難離諸

難難得無難難得淨法難值佛世難具諸根
難聞佛法難遇善知識難得與同止難得聞
正教難得正命難順趣正法難此將非魔魔
所使耶非善知識而現善知識相將非惡菩
薩耶而今爲我作壽命難作善根難薩婆若
難此非正教險惡道耳遠離法門薩婆若等
一切佛法作是念時十萬梵天在虛空中作
如是言善男子莫作是念莫作是念此是大
聖具足金剛智慧光明精進不退悉已究竟
一切境界欲竭一切衆生貪愛大海欲裂一
切諸邪見網欲燒一切衆生煩惱除滅惡闇
普照一切令一切衆生離生死險難除滅三

世愚癡闇冥放淨光明普照一切時諸梵天
及自在天衆生主天等諸邪見天作如是言
我造衆生我爲一切世間最勝我爲最上我
爲第一是諸天等見婆羅門修大苦行五熱
灸身見如是已各於諸禪不得滋味來詣其
所時婆羅門以自在力而爲說法令滅邪見
捨離我心發大慈悲普覆衆生長養菩提正
直之心開四種道永佛法身隨所應化悉能
示現佛微妙音一切悉聞無有障礙復有一
萬魔在虛空中以種種摩尼寶華散婆羅門
告善財言善男子此婆羅門苦行力故放大
光明令我宮殿諸莊嚴具悉如聚墨我不復

樂即與無量諸天天女眷屬圍遠來詣其所
爲我說法悉於阿耨多羅三藐三菩提得不
退轉復有一萬他化自在天在虛空中各持
天華恭敬供養作如是言善男子此娑羅門
苦行力故放大光明令我宮殿諸莊嚴具悉
如聚墨我不復樂即與眷屬來詣其所爲我
說法令我於心而得自在於煩惱中而得自
在於受生中而得自在除滅障礙而得自在
於一切三昧而得自在於莊嚴具而得自在
於壽命中而得自在乃至令我於一切佛法
而得自在復有一萬化自在天在虛空中以
天妓樂恭敬供養作如是言善男子此娑羅

門五熱灸身時放大光明照我宮殿及莊嚴
具照已悉令我等不樂五欲不求欲樂身心
柔軟與眷屬俱來其所爲我說法淨心明
淨心善竒特心柔軟心歡喜心乃至逮得清
淨十力長養離生出生無量清淨之身乃至
得佛清淨法身得清淨口微妙音聲遍至一
切無所障礙乃至得一切智復有一萬兜率
陀天與其眷屬在虛空中雨一切末香雲恭
敬供養作如是言善男子善女人
身時我自於宮殿不樂須臾來詣其所爲我
解說無著之法少欲知足長養善根發菩提
心乃至究竟一切佛法復有一萬諸天三十

三天及阿脩羅與眷屬俱在虛空中而曼陀羅華雲摩訶曼陀羅華雲恭敬供養作如是言善男子此婆羅門五熱炙身時我於天樂不須更樂著來詣其所爲我說法遠離欲樂乃至爲我說無常法變易不住斷除一切放逸憍慢長養發起菩提之心又善男子我見此婆羅門時須彌山頂六種震動我於念時心大恐怖專求一切智復有一萬大龍王伊那槃那難陀跋難陀等與黑梅標香雲諸龍王女出妙樂音雨天華雲天香水雲恭敬供養作如是言善男子此婆羅門五熱炙身時放大光明普照一切龍王宮殿令諸龍王離

熱沙若金翅鳥怖滅瞋恚熱身體清涼發歡
喜心發喜心已而爲說法戢惡龍趣至誠悔
過除滅業障發阿耨多羅三藐三菩提心乃
至住一切智後有一萬夜又王種種供養此
婆羅門及以善財作如是言善男子此婆羅
門五熱炙身時我及羅刹鳩槃荼等悉於衆
生發大慈心無所燒害慈心力故不樂宮殿
與眷屬俱來詣其所彼婆羅門以大慈心蔭
覆我等令我歡喜身心柔軟安穩快樂爲我
說法乃至令無量夜又羅刹鳩槃荼等發阿
耨多羅三藐三菩提心後有一萬乾闥婆王
在虛空中作如是言善男子此婆羅門五熱

灸身時放大光明照我宮殿悉令我等得不
思議樂來詣其所爲我說法乃至令發阿耨
多羅三藐三菩提心得不退轉復有一萬阿
脩羅王在虛空中右膝胡跪一心合掌恭敬
供養作如是言善男子此娑羅門五熱灸身
時一切阿脩羅宮殿大地大海皆悉震動我
等亦時除滅高心耒詣其所爲我說法遠離
一切諂曲幻心得深法忍安住不動具足十
力復有一萬迦樓羅王勇力持等化爲外道
童子在虛空中作如是言乃至爲我說法安
立大慈讚歎大悲度生死海沒於五欲泥者
歎淨直心門生慧方便翅隨其所應皆悉化

度後有一萬緊那羅王在虛空中作如是言
善男子此娑羅門五熱炙身時於我寶多羅
樹中金鈴網中寶瓔珞中諸寶樹中種種樂
器中自然演出微妙音聲佛聲法聲比丘僅
聲不退轉諸菩薩聲菩提心聲某方某國有
某菩薩發菩提心修行苦行修大布施莊嚴
道場往詣道場成正覺聲善男子我聞是聲
即大歡喜來詣其所爲我說法令無量衆生
於阿耨多羅三藐三菩提得不退轉後有無
量欲界諸天在虛空中供養恭敬作如是言
善男子此娑羅門五熱炙身時放大光明乃
至普照阿鼻地獄除滅苦痛若有衆生見斯

光者命終生天知報恩故捨五欲樂來詣其所樂觀無厭爲我說法乃至令無量衆生發菩提心亦時善財童子聞奇特法心大歡喜於婆羅門所發起真實善知識心頭面禮足如是白言向疑聖教違知識教唯願大聖受我悔過時婆羅門爲善財童子而說偈言

欲求菩提者
當願知識教
除滅諸疑惑
一心常恭敬
修習於正道
知法真實相
安住於道場
成就佛菩提

亦時善財童子即登刀山自投火聚未至中間即得菩薩安住三昧既至火聖寂靜安樂照明三昧得三昧已白言甚奇大

聖如是。刀山及大火聚。我身觸時安穩快樂。
時婆羅門告善財言。善男子。我唯成此菩薩
無盡法門。明淨法王諸菩薩行。滿足諸願。悉
滅衆生煩惱。邪見得不退轉。不可盡心離懈。
怠心一切無畏。得金剛那羅延藏。究竟大心
境界。無有疲倦。遠離諸垢。不動如風輪精進。
不退。以大莊嚴。而自莊嚴。饒益衆生。如是法
門。我當云何能知。能說。善男子。於此南方有
城名師子奮迅。有一童子。名彌多羅尼汝詣
彼。問云。何菩薩學菩薩行。修菩薩道。時善財
童子。頭面禮足。遶無數匝。觀察無厭。辭退南
行。尔時善財童子。起不可思議恭敬之心。好

樂淨法專向大乘未諸佛智親近如來觀法
境界無所障礙決定實際住實境界至三世
際解了三世如虛空際決定了知三世法際
不住法際住無礙際不違業際決定了知佛
際非際住如來住滅一切妄想不著一切佛
一切眷屬一切世界知一切衆生非我無實
一切音聲離語言道解一切色猶如電光漸
漸南行至彼城已周遍推問彌多羅女爲在
何所時有人答今在師子幢王宮內聞已即
詣門下求見彼女時無量人衆悉入宮中善
財問言諸人今者爲詣何所答言我等欲詣
彌多羅女聽受正法尔時善財作如是念此

王宮門自在出入無所障礙善財即入見彼
女人處在明淨寶藏法堂地玻璃色琉璃為
柱金剛為壁闔浮檀金欄楯窓牖光明普照
阿僧祇摩丘寶而莊校之又千寶藏摩丘寶
鏡圓滿莊嚴衆生所樂明淨妙寶以為嚴飾
又阿僧祇摩丘寶網羅覆其上百千金鈴出
微妙音有如是等不可思議衆寶校具莊嚴
講堂見彼女人身如真金目髮紺色處淨木
香寶師座覆以金網敷衆寶衣大衆圍遶
以梵音聲而為說法見已頭面禮足繞無數
帀合掌恭敬於一面任白言大聖我已先發
阿耨多羅三藐三菩提心而未知菩薩云何

學菩薩行修菩薩道答言善男子汝諦觀此
法堂莊嚴尔時善財見一一琉璃柱中一一
金剛壁中一一摩尼鏡中一一形像中一一
寶中一一莊嚴中一一金鈴中一一寶樹中
一一寶形像中一一寶瓔珞中悉見法界等
一切如來從初發心修菩薩行成滿大願功
德莊嚴成等正覺轉淨法輪乃至示現無餘
涅槃如淨水中見月影像善財童子於一切
境界莊嚴具中見一切佛從初發心乃至示
現無餘涅槃亦復如是皆是彼女過去善根
依果力故尔時善財正念諸佛恭敬合掌白
言大聖此何法門答言善男子是般若波羅

蜜普莊嚴法門我於三十六恒河沙佛所修
此法門彼諸如來各以異門令我入此般若
波羅蜜蜜普莊嚴法門善財白言大聖此法門
者境界云何答言善男子我入此法門正念
思惟分別受持生平時得普門陀羅尼等
百萬阿僧祇陀羅尼門以為眷屬所謂佛刹

陀羅尼門佛陀羅尼門法陀羅尼門衆生陀
羅尼門過去陀羅尼門未來陀羅尼門現在
陀羅尼門安住實際陀羅尼門功德陀羅尼
門功德具陀羅尼門智陀羅尼門智具陀羅
尼門諸願陀羅尼門分別諸願陀羅尼門行
陀羅尼門修集行陀羅尼門淨行陀羅尼門

滿足行陀羅尼門業陀羅尼門不違業陀羅
尼門業流陀羅尼門業所作陀羅尼門遠離
惡業陀羅尼門向正業陀羅尼門業自在陀
羅尼門善行陀羅尼門善行三昧陀羅尼門
三昧陀羅尼門隨順三昧陀羅尼門分別三
昧陀羅尼門無壞三昧陀羅尼門諸通明陀
羅尼門心海陀羅尼門種種心陀羅尼門淨
心地陀羅尼門普照重惡心陀羅尼門心喜
調御師陀羅尼門發起衆生陀羅尼門煩惱
陀羅尼門習氣陀羅尼門煩惱方便陀羅尼
門欲陀羅尼門衆生所行陀羅尼門衆生種
種業行陀羅尼門衆生世間自性陀羅尼門

衆生相陀羅尼門方便陀羅尼門說法陀羅
尼門大悲陀羅尼門大慈陀羅尼門寂滅陀
羅尼門諸語言道陀羅尼門方便非方便陀
羅尼門隨順陀羅尼門分別陀羅尼門攝取
陀羅尼門无礙實際陀羅尼門普陀羅尼門
佛法陀羅尼門菩薩法陀羅尼門緣覺法陀
羅尼門聲聞法陀羅尼門世間法陀羅尼門
出世間法陀羅尼門世界起陀羅尼門世界
滅陀羅尼門世界形色陀羅尼門淨世界陀
羅尼門垢世界陀羅尼門於淨世界現垢濁
刹陀羅尼門於垢世界現清淨刹陀羅尼門
純淨世界陀羅尼門純垢世界陀羅尼門平

等世界陀羅尼門翻覆世界陀羅尼門伏住
世界陀羅尼門入因陀羅網陀羅尼門迴轉
世界陀羅尼門住相陀羅尼門小處置大陀
羅尼門大處置小陀羅尼門分別佛身陀羅
尼門放佛莊嚴光明網陀羅尼門分別如來
圓滿音聲陀羅尼門佛正法輪陀羅尼門生
佛法輪陀羅尼門分別佛法輪陀羅尼門元
壞佛法輪陀羅尼門佛辯法輪陀羅尼門向
佛法輪陀羅尼門能作佛事陀羅尼門向諸
佛衆陀羅尼門分別諸佛大衆陀羅尼門諸
佛无量大會屬海陀羅尼門普照佛力陀羅
尼門如來三昧陀羅尼門如來三昧神力自

空入深法界功德成滿安住出世法遠離世
間行具足清淨離癡慧眼決定了知無量法
界智慧無量與虛空等得無礙眼於一切境
界無所障礙住無礙地藏普照一切善能分
別一切法義一切世間無能壞者行世間行
無所染著善巧方便饒益攝取一切衆生隨
其所應悉能示現於一切時轉正法輪而得
自在如是功德我當云何能知能說善男子
於此南方有一國土名曰救度彼有比丘名
曰善現汝詣彼問云何菩薩學菩薩行修菩
薩道時善財童子頭面接足繞無數帀辭退
南行尔時善財童子正念思惟甚深法門思

惟甚深法界思惟甚深法地思惟甚深衆生
思惟甚深諸行思惟甚深衆生心流注思惟
甚深衆生如光影思惟甚深諸法之性思惟
甚深衆生語法思惟甚深法界圓滿莊嚴思
惟甚深種諸業行思惟甚深世間業所莊飾
漸漸遊行至救度國於城都聚落村邑市里
仙人住處山林曠野周遍推求善現比丘見
彼比丘在林經行形貌端嚴顏容殊妙其髮
右旋如紺青色頂有肉髻身色紫金其目長
廣如青蓮華脣口丹色如頻婆菓頸項圓直
脩短得所曾有德宇勝妙莊嚴七處平滿其
臂纖長手指縵網金輪莊嚴臍脰鹿躡腰腹

不現師子上身如淨居天其身圓滿如尼拘
樹王相好莊嚴如雪山王出諸良藥圓光一
尋諸根調伏目視安諦智慧無礙猶如大海
其心不動一切世間所不能境天龍八部恭
敬圍遶彼此丘經行時地天持地步天出寶
蓮華隨覆其跡无盡圓滿天除滅衆闇覺天
雨雜華雲不動藏天現諸寶藏普光勝虛空
天莊嚴虛空妙德海天散寶供養離垢藏須
彌山天合掌禮侍恭敬供養無礙力天起香
華風雲雨而供養之夜天以莊嚴身五體敬
禮常覺日天持明淨寶幢莊嚴虛空除滅闇
冥尔時善財童子往詣其所頭面禮足白言大聖

我向阿耨多羅三藐三菩提求菩薩行我聞
大聖善能開導諸菩薩道云何菩薩學菩薩
行修菩薩道願分別說答言善男子我年既
少出家日近自我生來於三十八恒沙佛所
淨修梵行或於一佛所七日十七夜淨修梵
行或餘佛所半月一月一歲百歲那由他歲
乃至不可說不可說歲或一小劫半劫一劫
或阿僧祇劫乃至不可說不可說阿僧祇劫
淨修梵行彼諸佛所聞法受持不違其教莊
嚴諸願究竟淨修菩薩諸行具足六波羅密
知菩提境界知種種法輪守護佛法乃至正
法滅盡嚴淨一切諸佛世界出生三昧大願

力故究竟菩薩一切淨行出生菩薩一切行
願力故淨一切佛諸波羅密出生普賢諸行
力故善男子我不離此經行處悉見十方智
慧无碍故一切法界悉現在前於一念中過
不可說不可說諸世界故於一念中嚴淨不
可說不可說諸佛世界出生大願力故不可
說不可說衆生方便門悉現在前具十力智
出生普賢菩薩行願力故見不可說不可說
諸佛悉現在前於一念中恭敬供養不可說
不可說世界微塵等佛恭敬供養如來願力
故能聞受持不可說不可說諸佛法雲分別
了知阿僧祇諸法趣出生法輪陀羅尼力故

不可說不可說菩薩行悉現在前一切諸行
皆悉清淨滿足菩薩因陀羅網行願力故不
可說不可說諸三昧海悉現在前一切三昧
皆悉清淨滿一三昧出生一切三昧力故不
可說不可說諸根海皆現在前一切根輪隨
順時輪出生安住諸根際願力故不可說不
可說時輪悉現在前能一切時轉淨法輪出
生究竟衆生願力故一切三世海悉現在前
分別一切世界三世出生隨順智慧光明願
力故善男子我唯知此隨順菩薩燈明法門
諸金剛燈菩薩生諸佛家具足成就不死命
根無盡智慧成無壞身支體具足隨其所應

悉能顯現具妙形色世無倫匹毒刃火災所不能害身如金剛不可沮壞降伏衆魔制諸外道身真金色超出世間隨其所應無不聞見普觀世間兩耳露法普照一切滅諸障礙見者無狀拔斷一切諸不善根起妙善根難遇難見我當云何能知能說彼功德行善男子於此南方有一國土名曰輸那彼有童子名釋天主汝詣彼問云何菩薩學菩薩行修菩薩道時善財童子專求菩薩莊嚴正道菩薩諸力照心修行菩薩無壞無盡諸功德行成滿菩薩堅固大願以大莊嚴而自莊嚴一切無畏不退堅固正直之心受持一切菩薩

行雲受持菩薩正法之雲而無厭足恭敬一切菩薩功德攝取一切衆生常欲超出生死曠野樂欲見聞恭敬親近於善知識心無厭倦頭面礼足恭敬無量隨順教誨辭退南行入法界品之五

尔時善財童子與天龍大衆眷屬圍遶至輸那國周遍推求釋天主童子時虛空中有諸天龍而告之曰善男子此童子在善城門外河水之側尔時善財見釋天主與一萬童子弄沙嬉戲即詣其所頭面礼足遶無數币合掌恭敬於一面住白言大聖我已先發阿耨多羅三藐三菩提心而未知菩薩云何學善

薩行修菩薩道唯願解說答言善男子文殊
師利教我相厭薰子法筭數法印法我因知此
三種法故得一切巧術智慧法門善男子我
因此法門故知厭薰子等數印性疾病中毒為
鬼所著諸魔所持悉能消伏立大小城都邑
聚落善惡之相田業商估一切衆生身肢節
相善趣惡趣行業之相知此衆生之於善趣
知此衆生之於惡趣此聲聞此緣覺此如來
地諸方便相如是等事我悉了知普令衆生
修學此法復次善男子我亦了知菩薩筭數
之法所謂百千為一羅叉百千羅叉為一拘
梨百千拘梨為一那由他廣說如阿僧祇品

善男子若有無量百千由旬等大沙聚我悉
分別筭知其數善男子如筭法能知沙聚筭
知東方一切世界南西北方四維上下亦復
如是筭知一切世界中一切劫一切佛一切
法一切菩薩一切業筭數了知一切世界中
一切四諦名號亦復如是善男子我唯知此
巧術智慧法門諸大菩薩深入一切筭數法
門筭數一切法深入三昧筭數之法筭數一
切衆生筭數一切法筭數一切佛筭數一切
佛名号筭數一切菩薩一切筭數轉自在輪
菩薩我當云何能知能說彼功德行發明境
界讚歎諸力顯正直心說功德具說諸大願

顯現清淨諸波羅蜜說功德勝妙智慧善
男子於此南方有城名曰海住有優婆夷名
曰自在汝詣彼問云何菩薩學菩薩行修菩
薩道時善財童子聞善知識教歡喜无量得
未曾有奇特正直心寶其心彌廣普覆衆生
得筭數諸佛次筭出世自在法門淨法圓滿
智慧究竟分別顯現一切諸趣於三世境界
無所障礙出生無盡功德海心得大智慧自
在光明斷三界縛頭面礼足右遶三匝辭退
南行尔時善財童子於善知識心無厭足猶
如大海吞納衆流善知識日明淨慧光開發
其心猶蓮華敷長養一切善根萌芽莖節枝

葉功德大樹善知識月能以清涼教法光明
除衆熱惱善知識者如夏雪山衆獸所集樂
善知識心猶如大海衆寶充滿善知識教長
養法身如閻浮樹華果具足心常樂住善知
識教法譬如龍王於虛空中神變自在善知
識教起大寶山顯現一切以善知識教而自
圍遶猶如帝釋降阿脩羅無能壞者漸漸遊
行至海住城周遍推求自在優婆夷時有人
言善男子此優婆夷在此城中深宮之內善
財聞已往詣宮門敬心而立彼優婆夷所住
之處廣博嚴飾衆寶垣牆周匝圍遶開置四
門阿僧祇寶以爲莊嚴善財進入見優婆夷

處師子座年在盛美容色殊妙觀者無狀除
莊嚴具素服被髮身色光明除佛菩薩餘无
能及於其宮內數十億牀出過天人菩薩宿
世行業所造衣服飲食衆妙寶物諸莊嚴具
常開四門周給一切而無窮盡一萬女衆眷
屬圍遶容色威儀悉如諸天猶如莊嚴衆妙
寶樹口常演出天妙音聲敬樂觀察此優婆
夷禮拜供養彼諸女身常出妙香普熏大城
若有聞者皆得不退菩提之心無怒害心无
怨敵心无慳嫉心無幻偽心无諂曲心無貪
愛心无瞋恚心无懈怠心无量心平等心大
慈心益衆生心淨持戒心无求欲心聞彼音

聲皆悉歡喜身心柔輒其有見者皆得離欲
尔時善財頭面礼彼優婆夷足敬心右遶於
一面住白言大聖我已先發阿耨多羅三藐
三菩提心而未知菩薩云何學菩薩行修菩
薩道答言善男子我成就無盡功德藏莊嚴
法門以一器食施百衆生隨其所欲皆得充
滿千衆生百千衆生億衆生千億衆生百千
億衆生那由他衆生百那由他衆生百千那
由他衆生乃至不可說不可說衆生闍浮提
微塵等衆生乃至不可說不可說佛刹微塵
等衆生隨其所欲皆悉充滿而无損減又復
施與上味美飲輦輿衣服華鬘妙香末香塗

香寶莊嚴具又施牀坐車乘妙蓋幢幡如是
等種種諸物隨其所欲悉令充滿皆大歡喜
善男子於東方一世界乃至不可說不可說
世界閻浮提微塵等世界乃至不可說不可
說佛刹微塵等世界中一切聲聞緣覺食我
食已悉成道果又於東方乃至不可說不可
說佛刹微塵等世界中一生補處菩薩食我
食已降魔成道南西北方四維上下亦復如
是善男子汝見我此一萬眷屬女不唯然已
見善男子如是等百萬阿僧祇菩薩悉我同
行同願同善根同修道同欲性同淨正念同
清淨趣同善根無量同得諸根同心依果同

境界同正趣離生同真實義同明正法同具
菩薩清淨妙色同無量力同堅精進同正法
音同語言道同諸功德同清淨業同清淨報
同清淨大悲救護一切同清淨業不違目錄
同清淨口業於一切佛衆隨其所應悉爲說
法同恭敬供養諸佛同決定知一切諸法同
得菩薩清淨諸地此諸菩薩取我器食於一
念頃遍遊十方供養一切聲聞緣覺菩薩諸
佛及施餓鬼悉令滿足而我器食無所損減
善男子我此器食隨應諸天悉令充滿乃至
施人亦復如是善男子且待須臾汝自見之
善財即見無量人衆從四門入彼優婆夷皆

令安坐隨所適樂悉令充悅善男子我唯得
此無盡功德藏莊嚴法門諸大菩薩元盡功
德藏海猶如虛空以无量功德熏修其心如
隨意寶滿足一切衆生願故大功德藏悉滅
一切諸貧苦故功德須彌兩衆寶故大功德
藏開法城門故功德燈明滅貧暗故大功德
蓋勝妙善根覆一切衆生故我當云何能知
能說彼功德行善男子於此南方有城名曰
大興彼有長者名甘露頂汝詣彼問云何菩
薩學菩薩行修菩薩道時善財童子頭面禮
足遶無數帀憶念不捨辭退南行

